

**Vischnaunca da Mustér**

**Lescha davart l'indemnisaziun dallas  
prestaziuns dalla vischnaunca  
Disentis/Mustér en connex cul  
provediment d'electricitad**

**2018**

## **Art. 1 Applicaziun**

- <sup>1</sup> Questa lescha vala per la reit da distribuziun d'electricitad ch'il gestiunari dalla reit meina pli provediment dils consuments finals sil territori dalla vischnaunca Disentis/Mustér.
- <sup>2</sup> Questa lescha regla l'indemnisaziun dallas prestaziuns dalla vischnaunca Disentis/Mustér en connex cun la reit da distribuziun d'electricitad.
- <sup>3</sup> La lescha regla buca la colligiaziun dils consuments cun la reit da distribuziun d'electricitad ed ils cuosts persuerter.

## **Art. 2 Indemnisaziun dalla vischnaunca Disentis/Mustér per las prestaziuns**

- <sup>1</sup> Il gestiunari dalla reit indemnisescha la vischnaunca Disentis/Mustér per far diever dil funs e terren public per la construcziun ed il menaschi dalla reit da distribuziun d'electricitad cun ina taxa annuala.
- <sup>2</sup> La taxa annuala vegn calculada sin fundament dil quantum d'energia che vegn repartius ord la reit da distribuziun als consuments, multiplicaus cun ina tariffa da 0.5 - 2.0 raps per kilowat ura. La suprastanza communal fixescha la tariffa.
- <sup>3</sup> Il gestiunari dalla reit ha il dretg da reparter quella taxa sils consuments. La taxa dil consument vegn calculada sin fundament dil quantum d'energia ch'el ha retratg, multiplicaus cun ina tariffa da 0.5 - 2.0 raps per kilowat ura. La taxa sto vegnir presentada separadamein el quen dil consument tenor las leschas surordinadas.

## **Art. 3 Calculaziun dalla taxa**

- <sup>1</sup> Il gestiunari dalla reit annunzia alla vischnaunca Disentis/Mustér annualmein, mintgamai entochen ils 31 da schaner l'energia ch'ei vegnida repartida sur la reit da distribuziun.
- <sup>2</sup> La vischnaunca Disentis/Mustér definescha tenor las indicaziuns digl artechel 2 la taxa annuala ch'il gestiunari dalla reit ha da pagar e tschenta quen persuerter.

## **Art. 4 Vigur**

Questa lescha entra retroactivamein cugl 1. da schaner 2018 en vigur.

## **Art. 5 Determinaziuns finalas**

El mument che questa lescha va en vigur, vegnan pli veglias ed autras disposiziuns davart la medema materia giuridica che stattan en cuntradicziun cun quella lescha cassadas.

Approbau dil cussegl da vischnaunca en sia seduta dils 23 da fevrer 2018.

Il president communal:      Il canzlist communal:

Robert Cajacob

Andri Hendry